

فوك السطح ابن الرضا بسمومه ناحل حوله الحمامات ابدمع لمصابه هامل

مطروح و ضل بغربته و يعالج الموت
السموم كطعت چبده من دساها طاغوت
يجذب و نينه بالتعب ما ينسمع صوت
بشفافه يهمس بالدعا الرب المسائل

محزونة كصدت له حمام الكاظميه
تمت تظلل بالجنح جسمه الرمييه
و اتذكر ابهمه طريح الغاضريه
و ابلحظة بعيونه المصاب اقباله مائل

شاف الخيم محروگة و المظلوم مطروح
مال بعيونه النسوته و زادت به الجروح
جده انذبح بهومه مو بالسيف مذبح
ناح الجواد و ضامره بالحرگة ذابل

نادى كبل كطع النفس مظلوم يحسين
راشح جبينه و نزلت الدمعات بالعين
سلم الى الباري الامر و اغتاله البين
ويلي الجواد الليلة للمعبود راحل

راح الامام المنتجب راعي الكرامات
راح الرضي المرتضى و عز الرسالات
راح الغريب التتجب يمه الحمامات
من يوم موته وللابد مدمعها نازل

ننظر حمامات الحرم ملتمة لليوم
تتجب مصاب اللي رحل يا ويلي مسموم
يرتاح كلمن يگصده و ينساها الهموم
هذا الجواد اللي يحل كل المشاكل